



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1553. usque ad annum 1557

Fleury, Claude

August. Vind. [u.a.], 1771

VD18 9011857X

§. 134. Pontificis diploma ad Poloniæ Regem.

[urn:nbn:de:hbz:466:1-66565](https://nbn-resolving.org/urn:nbn:de:hbz:466:1-66565)

que Filii postea magis novarum hære-
 sum erroribus, quam literis humaniori-
 bas imbuti in patriam reversi sunt: qua-
 propter non sine dolore illorum Parentes
 cernere cogebantur, quod eorum filii
 palam patriæ suæ Religionem, ac ritus
 deriderent, atque etiam in Palatinatu,
 ubi major erat horum juvenum nume-
 rus, Ecclesias diriperent. Rex cum no-
 biles sibi infensos reddere pertimesceret,
 sacrilegos hosce ausus indulgenter to-
 lerabat, quamvis ipse Religionem Ca-
 tholicam non abjiceret: unde accidit,
 ut etiam quidam Presmisiensis Eccle-
 siæ Cathedralis Canonicus publice ne-
 fando conjugio sese pollueret, ac plena
 quævis credendi libertas permetteretur,
 nullusque propter mutatam Religionem
 in Polonia ad quæstionem vocaretur.

§. CXXXIV.

*Pontificis diploma ad Poloniæ
 Regem.*

Postquam Paulus IV. Pontifex intelle-
 xerat, quod intra Sigismundi Re-
 gnum jamjam in pluribus urbibus com-
 munitio sub utraque specie distribuere-
 tur, spreto etiam interdicto, quo idem Rex
 illius usum in publicis Ordinum co-
 mitiis prohibuerat: eapropter Pontifex
 ad Sigismundum die vigesima prima
 Octobris Anno Salvatoris nostri millesi-
 mo

Sæcul. XVI.
 A.C. 1557.

*Raynald. hoc
 ann. n. 38.*

Sæcul. XVI.
A.C. 1557.

mo quingentesimo quinquagesimo septi-
mo diploma transmisit, quo Regi hæc
expofuit: „ Allatum est nuper nobis,
„ nec sine magno dolore animi au-
„ divimus, quod proximo anno Domini-
„ ca quarta quadragesimæ in his quatuor
„ Regni tui Oppidis, Dantisci, Toru-
„ nii, Elbingæ, & Mariæburgi, illius diei
„ lætitia spiritualis in luctum Ecclesiæ
„ conversa fuerit, cum temeritas illorum
„ populorum eo progressa esset, ut veriti
„ non fuerint uno, eodemque die, tan-
„ quam ex composito contra consuetu-
„ dinem Ecclesiæ Catholicæ, sub duplici
„ specie Sacram Communionem sumere.
„ Audivimus etiam, ipsa quoque, quod
„ pro nostro divini cultus zelo molestis-
„ sime tulimus, Sacrosancta Altaris my-
„ steria ibidem contra ejusdem Ecclesiæ
„ institutum pervulgari, & patrio sermo-
„ ne celebrari cæpisse, quæ res non no-
„ bis solum, sed etiam Serenitati tuæ eo
„ magis animadvertendæ sunt, quod
„ contra tuum ipsius Edictum in conven-
„ tu proximo, cum adesset venerabilis
„ frater Aloysius Episcopus Veronensis
„ noster, & Sedis Apostolicæ Nuntius,
„ promulgatum, hæc facere ausi sint: i-
„ taque non Sedi Apostolicæ solum, sed
„ tibi quoque tam gravem injuriam fe-
„ cerunt, quam ob rem hortamur te cha-
„ rissime fili, monemus, & rogamus, ut
„ cum

„cum tua prudentia intelligas, hoc au- Sæcul. XVI.
 „dax facinus spectare ad perturbandam A 1557.
 „prorsus, & evertendam in Regno tuo
 „Religionem Catholicam, & Sanctæ Ma-
 „tris Ecclesiæ ritus sanctissimos abro-
 „gandos, ejusque auctoritatem delen-
 „dam: obviam ergo eas tanto malo, an-
 „tequam vehementius corroberetur, ac
 „tam grave scandalum e civitatibus il-
 „lis, & locis omnibus, in quibus eadem
 acta sunt, ita tollendum cures, ut ap-
 pareat tibi placere, quod lex a te proxi-
 me lata de nulla re in Religionis cultu
 novanda servetur, neque impune a
 quoquam eam negligi, violarique passu-
 rus sis, cum ad Dei honorem, & animarum
 salutem pertinet, temeritati populorum
 obviam iri, atque hæreses reprimi.

Hac occasione Stanislaus Hosius E- Hosius in
 piscopus Warmiensis de communione Dial. de
 sub utraque specie Dialogum composuit, utriusque
 in quo demonstrat, quod non recens, spec. comm.
 sed antiquus sit usus sub una specie com- p. 104.
 municandi, veteresque Poloni, cum no-
 men Christo dedissent, una specie con-
 tenti sanctitatem coluerint.

§. CXXXV.

*Lutheri hæresis per Joannem Laski
 per Poloniam diffusa.*

Hist. Eccles. Tom. XLII. Pp Idem